

四庫全書

經部

欽定四庫全書考證

經部

卷七  
之八

纂修官候補司業臣王太岳

臣曹錫寶

謄錄拔貢生臣張山荊

欽定四庫全書考證

卷七 經部

詩緝

詩地理考

詩集傳名物抄

詩傳旁通

詩續緒

詩傳大全

重訂詩經疑問

欽定詩經傳說彙纂

御纂詩義折中

詩經通義

毛詩稽古編

詩傳名物集覽

三家詩拾遺

詩疑辨證

詩序補義

待軒詩記

虞東學詩

韓詩外傳



詩緝 宋嚴粲撰

卷一

關雎之化論注小序是東海衛敬仲所作 刊本仲訛

重今改

關關雎鳩注即郊子所謂雎鳩氏司馬也 刊本氏字

訛在司馬下又脫也字並據左傳改增

翹翹錯薪注說文曰馬二歲曰駒刊本說訛釋 按經

典釋又無此句今改

卷二

蔽蒂甘棠注杜赤棠白者棠 刊本者訛甘據爾雅改  
羔羊之皮章謂紕總之數有五 刊本紕總二字互倒

據詩疏改

江有汜章注是士有姪娣 刊本姪娣訛娣媵據詩疏  
改

卷三

燕燕于飛章注生子名完 刊本完訛桓據詩箋及左

傳改

有彌濟盈章注注云范軾前也 刊本注訛祭據禮記



少儀注改

卷四

旄丘章注周之制使伯佐牧 刊本周訛州據詩箋改

簡兮三章章六句 按朱傳作簡兮四章三章章三句

一章六句

卷五

定之方中章注疑在今東郡界 刊本郡訛都據詩疏

改

載馳五章 按朱傳作載馳四章

卷六

手如柔荑章注墳齧螬蠟齧蝸

刊本蝸訛蠟據爾雅

及詩傳改

卷七

大車檻檻章注皆締以為繡

刊本皆締訛次飾據周

禮注改

卷八

叔于田章注棚所以覆矢

刊本矢訛冰據詩傳改

清人在彭章注夷矛三尋

刊本三訛重據考工記改

卷九

俟我於堂乎而章注壻乃先歸 刊本歸訛往據儀禮  
改

卷十

碩鼠章注關西呼鼯鼠 刊本關西訛關中據詩疏改

卷十一

唐注其孫穆侯 刊本侯訛叔據詩譜改

山有栲章注方俗無名此為栲者 刊本俗訛士據詩

疏改

羔裘豹祛章注祛者袂口也 刊本袂訛祛據禮記注  
及詩疏改

卷十二

小戎伐收章注此兵車之飾 刊本飾訛節據詩疏改  
蒹葭蒼蒼章秦雖彊盛勁健必用周禮 刊本用周二  
字互倒據小序改

卷十三

坎其擊鼓章注鷺羽可以為翳 刊本翳訛鷺據詩傳  
改

卷十六

豳注昔我先世后稷 刊本世上行王字據詩疏及國

語刪

卷十七

魚麗于留章注鱧名鮠 刊本鱧訛鯉據爾雅疏改

卷十八

南山有臺章樂得賢也 刊本脫此句據小序增

田車既好章注以織毛褐布 刊本脫毛字據詩疏增

卷十九

金方口人卷之七  
卷七  
鴻鴈于飛章注謂接五堵成一雉 刊本接訛按據詩

疏改

卷二十

弗躬弗親章注壻之父謂姻 刊本父訛婦據爾雅改

龜勉從事章職競由人注職主也 刊本職訛競據詩

傳改

卷二十二

職勞不來注來勤也 刊本勤訛動據詩傳改

鼓鐘將將章注淮水出信陽軍桐栢山至楚州連水軍

入海 刊本至訛之據集傳改

卷二十三

既方且阜章注食葉曰膳 刊本膳訛特據詩傳改

瞻彼洛矣章注大夫鐐璫而鏐秘 刊本鏐訛璫據詩

傳改

卷二十四

英英白雲章注露雲氣微 刊本脫雲字又微下行言

字並據詩疏增刪

卷二十五

迺慰迺止章注幽又在岐山西北四百里 刊本脫北

字據詩疏增

迺立冢土注以達天地之氣也 刊本脫以達天地四

字據詩疏及禮記增

榛桔濟濟注其葉如著 刊本訛作莖似著據詩箋及

草木疏改

卷二十六

則百斯男注郇雍曹滕畢原豐郇文之昭也 刊本脫

郇雍曹滕四字據左傳增



卷二十七

敦弓既堅注諸侯彤弓 刊本彤訛彤據詩疏及公羊

傳注改

既醉以酒章注晉獻公令司正實爵與史蘇云 刊本

脫獻字據國語增

卷二十八

于橐于囊注奉一囊粟 刊本奉訛秦據漢書改

卷三十

仲山甫出祖注將行軼之祭也 刊本犯訛祀據詩

箋改

卷三十二

執競章注無競競也

刊本脫也字據詩傳增

卷三十四

以薺茶蓼注茶委葉

刊本委訛婁據詩疏及爾雅改

卷三十五

有騶有駟注蒼白雜毛騶

刊本毛訛色據爾雅改

夏而福衡注設牛角以福之也

刊本以訛其據詩傳

改

卷三十六

商頌注校商之名頌十二篇於周太師 刊本名頌十

二訛作詩則得據詩譜改



詩地理考

宋王應麟撰

卷一

禰考在曹州冤句縣北七十里 刊本曹訛譚據寰宇

記改

沫考注武乙徙河北 刊本乙訛丁據史記改

卷二

鄭考前莘後河 刊本莘訛華據國語改

河之干考注水北出于薄山刊本山訛上 又永樂溪

水刊本溪訛漢並據水經注改

卷三

四海考跂踵 刊本跂訛跂據爾雅注疏改

甫草考渠水自河與濟亂流東逕滎澤刊本濟訛沛又  
脫逕字並據水經注改增 又春秋不以沙麓繫晉

刊本脫繫字今增

卷四

百蠻追貊考注三韓之屬皆貉也 刊本韓訛歸據後

漢書改

卷五

周頌考頌之言容 刊本容上行形字據注疏刪

常許考注皇覽曰有孟嘗君冢 刊本脫皇覽孟嘗君

冢六字據史記注增

殷土考殷是亳地之小別名 刊本脫名字據注疏增

常顧考親鄣如夏 刊本親訛鄰按高誘注鄣讀如衣

即殷國名謂夏民親殷如夏也今據改

### 卷六

周東都王城考故三代皆為都邑 刊本都訛郡今改

北至于無棣考以南臨無棣溝因以為名 刊本脫溝

字據郡縣志增

檜考董姓駸夷恭龍

刊本駸訛駸據國語改

魯頌考鄆州鉅野縣

刊本脫野字據郡縣志增

命魯郊祭天三望考魯惠公使宰讓請郊祀之禮於天

子 刊本宰訛宰據呂氏春秋改



詩集傳名物抄 元許謙撰

卷一

蝨斯篇蝨蝨蝨蝨 刊本蝨訛蚣據爾雅改

卷二

河廣篇若終立則不可以往 刊本不訛下今改

卷三

鄭風依疇歷莘君之土也 按莘鄭康成詩譜作華

卷六

大東篇至天津下而合南道 刊本脫南道二字據晉

書天文志增

卷七

靈臺篇月令則其事也

按事詩疏作序

詩傳旁通 元梁益撰

卷二

簡兮章使人相祭 原本脫祭字據儀禮增

卷三

芄蘭章大射正執弓皆以從于物小射正坐奠筭于物

南 原本弓訛方下物字訛陽並據儀禮改

載驅章曾公齊州二堂記 原本脫州字據元豐類稿

增

卷五

七月流火章尊兩壺于房間 原本尊兩二字互倒又  
壺下脫于字並據儀禮改增

卷六

常棣章白棣似李而小 原本脫似李二字據爾雅增

卷七

車攻章田者大芟草以為防 原本芟訛艾據毛詩注  
疏改

詩續緒

元劉玉汝撰

卷一

關雎篇注吳氏補韻以正音為叶韻則是以後來之俗音為古人之正音豈其然哉今叶音之叶字竊謂當以古字易之庶幾人知音韻之正 案吳棫補音引據該洽但屈古就今不免乎訾議劉氏此論頗稱允當

葛覃篇注首章中谷無韻合下章中谷以重韻為韻此古人用韻之體後人以重韻為嫌非古矣 案劉氏

於詩中用韻之處著論特為詳細

卷三

燕燕于飛篇注今從傳移置此篇於終風後 案劉氏以為當依朱傳移置終風後今考集傳雖著此說而實未嘗移置也故此亦仍舊本

卷五

黍離篇注元城之說亦詩人之一意然詩之興有隨所見相因而及不必同時所真見如此詩因苗以及穗因穗以及實由淺而深又或因見實而追言苗穗皆

不必同時所真見如桃夭因花以托興其時未有葉  
與實特因花以及之 案劉氏元城說見集傳章句  
下其論初遇次遇似太泥故玉汝論之

叔于田乘乘馬篇 舊本作大叔于田此從集傳本去

大字

卷六

東方未明篇不能辰夜 案辰俗本作晨此從舊本作

辰

卷七

葛生篇注四五二章言歸無期而不可得見則要死以相從蓋惟出亡則歸無期若據詩詞則未見其必然亦姑從序說歟 案鄭箋及集傳皆以為征役劉氏以詩中有亡此字遂以為出亡說本無據乃云姑從序說何也

卷八

七月篇蠶月條桑注蠶月或以為三月今以前采蘩推之則條桑當為二月 按蠶月舊說以為三月王安石以為可蠶不止一月故不言某月劉氏以為二月



是七月之詩獨無三月矣

卷九

菁莪篇注毛傳以六月為變雅之首集傳謂楚茨而下  
十篇疑正雅錯脫在變雅又謂魚藻采芣與楚茨等  
相類今若從傳移置此十二篇於菁莪之後不惟可  
復正雅之全而一代之盛治為可考豈不韙歟 按  
朱子此說雖見於楚茨序下而實未嘗移置也故此  
亦仍舊本

卷十一

四月維夏篇奚其適歸 按奚舊本作爰集傳依家語  
作奚劉氏皆本集傳故仍作奚

卷十四

皇矣篇以篤於周祜 按舊本有於字俗本因孟子引  
句無於字故亦節去今從舊本

文王有聲篇適求厥寧適觀厥成注愚謂求觀當屬詩  
人 按求觀輔氏屬文王說劉氏以為當屬詩人二  
說互異

卷十五

上帝板板篇注五章傳謂戒小人愚謂前後皆戒同列不應此忽戒小人按小人在同列意亦相通未見傳意之必有分屬也

价人維藩注价大也愚謂价兼介助意盖言大德之輔臣也价人大師以上下言大邦大宗以内外言宗子賅价師邦宗舉親以見疏也按此說輔氏已言之劉氏之說往往本之輔氏為多

卷十六

奕奕梁山篇有倬其道注道舊說謂韓侯由此道而來

朝傳不釋 按道字朱子仍從舊說別見遺說中集  
傳特不明釋耳非不釋也

卷十七

清廟篇注登歌樂章也上歌謂堂上歌也 按登歌上  
歌漢制也劉瑾以為堂上獨奏登歌之曲也謂之登  
歌者以堂上特歌而名之也義始明晰

維清篇注左傳見舞象簡者杜預謂是文王之舞象既  
為文王舞則武舞自當用武詩維清自當為文王象  
舞之詩矣先儒因是遂謂象有二有文王之象文舞

也有武王之象武舞也象名一而實二也 按序維  
清秦象舞朱子謂詩中無象舞之意故泛指為祭文  
王之詩蓋以孔疏於詩禮注已自不同而疑之也劉  
氏之說亦可佐先儒所未備

烈文篇注詩不叶韻句長短不齊者周頌之體其間有  
韻叶句齊者與商頌相類其監二代歟 按劉瑾通  
釋以此第一句與六七叶第三與五八十三叶亦隔  
互叶韻也是編專論用韻之法此獨言詩不叶韻說  
似互異

天作高山篇注序言祀文王又言祀先王先公按天作序只言祀先王先公無專祀文王之文劉氏之說似誤

時邁篇注傳以執競為昭王以後所作則周公制作時未有執競詩安得以為韶夏乎然則叔玉之說非朱子所取矣按朱子初注執競詩亦從毛傳後定集傳始從歐陽修說以為昭王以後之詩而於呂叔玉韋昭之說三夏仍采其說而不辨其非總之其傳已古無以證其必不然也

綏萬邦篇注傳謂春秋傳以此為大武之六章今之篇次已失其舊傳從春秋傳今亦從集傳移置於賚後闕于小子前按朱傳雖著其說實未移也今亦仍其舊

文王既勤止篇注此頌文武之功而詩中不言武王蓋上推文王下言我則武王固在其中矣按朱公遷以為當作頌文王之功諸本王字皆作武字誤蓋首句是頌文王之功其下五句則言今日大封功臣之意劉氏所據尚沿舊本故不免曲為之說

卷十八

閔宮篇注竊以為泮水一詩魯人頌孝公之詩歟 按  
劉氏此說蓋據史記魯世家事若有與泮水詩合者  
亦可備一說



詩傳大全

明胡廣等撰

卷二

威儀棣棣注故形于外者皆善而不可揀也 刊本揀

訛陳今改

土國城漕注非不勞苦而猶處於境內 刊本猶訛獨

今改

公言錫爵集注即儀禮燕飲而獻工之禮也 刊本工

訛公據儀禮改

卷三

河廣章自共姜至於襄公之母六人焉 刊本襄訛宣

今改

卷四

王風為時會諸侯之所 刊本時訛朝據集傳改

鄭風又得號檜之地注武公取號檜 刊本公訛王今

改

卷五

東方未晞注言露在朝旦未見日氣 刊本未見訛木

言據正義改

甫田三章注豐城朱氏曰 刊本豐說曹今改

卷六

山有栲注二月中開花如練 刊本如練訛作棟據陸

璣疏改

卷八

我徂東山章枚如箸銜之有繡注又音畫徽也 刊本

徽說徽今改

--	--	--	--	--	--	--	--	--

重訂詩經疑問

明姚舜牧撰

卷一

羔羊章羔羊鵲巢之功致也 刊本羊訛衷據詩序改

卷二

有兔爰爰章桓王失信諸侯背叛 刊本背訛皆據詩

序改

卷五

斯干章歌于斯哭于斯 刊本歌訛生才檀弓改

繁霜章李義山詩云可憐夜半虛前席不問蒼生問鬼

神 刊本山訛府才全唐詩改

卷七

間關章凡有德之動履可徵於車馬之間 刊本徵訛  
懲今改

卷十一

時邁章昭我周王天休震動刊本周訛國 又歸馬放  
牛刊本放訛牧並才尚書改

欽定詩經傳說彙纂

卷首上

七月流火圖五月昏中十一月旦中 考服虔朱子俱  
云六月昏中十二月旦中圖說內孔穎達之說亦同  
此圖未知所本姑仍其舊

豳公七月風化圖注詩中載一歲事獨缺三月 刊本  
三說二今改

拾圖注拾著於左臂以遂弦者也 刊本臂說指據朱  
子集傳改

卷一

行露章集說以行人之多露喻貞女之畏禮 刊本以

說似據孔疏改

卷七

小戎章集說陰鞞也 按朱傳陰以木板為之鞞以皮

為之徐氏以陰鞞為一物誤

卷八

東門之枌章南方之原集說歐陽以為南方原野則其

說為簡徑 刊本徑說勁今改



卷十二

正月章天天是椽 按毛傳以天為君鄭箋以為天之  
薦瘥訓雖稍異而上字作天下字作天則同朱傳亦  
從之惟後漢書蔡邕傳釋誨有速速方轂天天是加  
之文李賢注引詩小雅云天天是椽又云韓詩亦同  
王應麟詩考據為韓詩經文異同之一證考孔穎達  
正義謂齊韓之徒以詩經為章句與毛傳異非有壁  
中舊本可據而劉敞後漢書刊誤於蔡邕傳天天下  
注云案上天當作天據今詩文正此唐宋諸儒於詩

義皆不從韓說今自當仍以毛詩為正

御纂詩義折中

卷五

叔于田注國人愛之故作此詩 刊本此說比今改

左旋右抽注左後軍右前軍也 刊本左說在今改

洵直且侯注亦如表之直且侯也 刊本侯說侯今改

子衿章序刺學校廢也 刊本衿說衿今改

卷八

防有鵲巢注若生于下隰 刊本隰說濕今改

卷十二

謂山蓋卑注言不西歸而即安于東者 刊本言訛亦

今改

卷十三

山有蕨薇注棗亦棟 刊本棟訛棘據爾雅及經典釋

文改

卷十四

瞻彼洛矣注鞞刀下飾云云 按小雅毛傳及釋文漢書王莽傳注說文以琫為上飾琕為下飾大雅毛傳以琫為上飾鞞為下飾左傳注及藝文類聚太平御

覽以鞞為上飾琫為下飾皆與此互異

卷十五

頰升序年既者艾 刊本年訛午今改

卷十六

思齋注此歌詠文王之德而推本於父母也 刊本父

訛文今改

作之屏之注言岐周之地 刊本岐訛次今改

卷十七

民勞序必至繼繼而無良 刊本繼訛謹今改

卷十九

噫嘻序三卜郊不從刊本三訛四據春秋改 又今既

耕而卜郊刊本脫郊字據左傳增

於皇武王序姚舜牧曰 刊本舜訛舞今改

卷二十

泰山巖巖注十月敗莒師于鄆 刊本鄆訛鄆據春秋

改

闕宮九章章十七句 按第四章止十六句朱子集傳

云四章內脫一句故并言十七句附識于此

玄鳥序夏帝芒三十三年刊本芒說范據竹書紀年改  
又其子微興師滅有易刊本微說微據史記殷世  
家及竹書紀年改





詩經通義

吳江朱鶴齡撰

卷一

采采芣苢傳馬鳥

刊本鳥訛寫據爾雅改

卷三

猗嗟章義其得立也蓋齊襄為之援也

刊本立訛力

今改

卷四

河水清且淪猗注小波為淪

刊本淪訛輪據爾雅改

卷五

白少目人ノ二二言  
鴟鴞章鬻注育同

刊本育訛音今改

卷七

不慙遺一老注魚斬反

刊本斬訛斬今改

卷八

思我小怨注當作于隈切音威與鬼姜叶

刊本姜訛

姜今改

卷十

雲漢章序仍叔美宣王也注仍氏叔字周大夫

刊本

氏字二字互訛周訛用今並改

鈎膺濯濯注巾車  
刊本巾訛申據周禮改



毛詩稽古編

國朝陳啟源撰

卷一

兔置條何謂害義 原本害訛合今改

卷七

黻衣繡裳條又案亞古弗字 原本亞訛玆據漢書注

改

卷十一

車攻條五章又云既會同而田獵 原本脫會同二字

據朱子集傳增

卷二十二

王命傅御條宣家臣可勝其任哉

原本脫臣字今增

卷二十三

不吳不教條吳姓也郡也

原本姓下脫也字據說文

增

卷二十七

紫陽協詩條旭旭憍也

原本憍訛憶據爾雅改

詩傳名物集覽

庶吉士陳大章撰

卷一

鳥部 雛 雛 鳴 鴈 條 曹 伯 陽 好 田 弋

刊本陽訛賜據左

傳改

卷四

獸部 躍 躍 兔 兔 條 東 郭 兔 者 海 內 之 狡 兔 也 刊本兔

訛 遂 據 國 策 改

毋 教 猱 升 木 條 猿 偏 狙 以 為 雌 刊本雌 訛雄 據莊子

改

卷六

鱗介部魴魚鱗尾條東方有比目魚 刊本東方二字

互倒據爾雅改

象弭魚服條可為弓韃矢服也 刊本韃訛捷今改

卷十二

木部顏如舜華條成公綏云 刊本綏訛緩今改

隰有榆條嵇康曰榆令人瞑 刊本脫曰字今增



三家詩拾遺

柳州府知府范家相撰

卷二

古逸詩狸首篇則燕則譽

原本燕訛譽據大戴記改

卷三

國風兔置章施于中達八達謂之崇期

原本崇訛旁

據爾雅改

卷四

載馳章生文公齊子宋桓夫人許穆夫人

原本齊訛

壽據左傳改

卷五

子衿章子寧不嗣音言不曾寄問也 原本寄訛審據  
毛詩疏改

卷十

商頌玄鳥章注史記三代世表褚先生述詩傳 原本  
世訛年今改

詩疑辨證

上海黃中松撰

卷一

葛覃篇鄭箋首章之失注搏黍飛集興女有嫁於君子之道 原本搏訛搏按釋文搏徒端反今改

黃鳥條爾雅又有倉庚商庚鷺黃楚雀倉庚鷺黃之文 原本鷺訛鷺據爾雅改

采蘋篇二其次為慈母其次為保母 原本母並訛女據禮記改

卷二

王風黍稷條以稷名壇注說文云稷齊也 原本齋訛

齋據說文改

風雨篇世人無常而徐公有常 原本公訛人據魏志

改

卷三

夏屋條首著長闌干 原本闌訛蘭據唐詩紀事改

豳詩分風雅頌一周書世俘篇有明明崇禹生開三詩

名 原本脫俘字生開二字互倒據周書世俘篇改

卷四

旄旂旗條朱子既以旄為前朱雀 原本旄訛旗據詩

傳改

卷五

維師尚父條以漁釣奸周 原本漁訛魚奸訛于據史

記改

于橐于囊條孫奕示兒編 原本奕訛炎據示兒編改



詩序補義

石泉知縣姜炳章撰

卷一

故詩有六義馬條詩之六體隨篇求之有兼備者有偏  
得一二者 原本一二訛其所據十一經問對改

卷三

旄丘條鳥少美長醜為鷓鴣 原本美訛好鷓鴣據

爾雅改

卷五

淇奧條王芻今呼為鷓鴣脚莎原本鷓鴣訛白據爾雅改

又篇蓄郭注云此作竹字同音異原本同異二字互  
訛按篇竹與竹箭之竹其字同也而篇竹之竹音畜  
其音異也今改

卷十六

斯千條君子將營宮室宗廟為先 原本宗訛寢據禮

記改

卷十八

楚茨條腥肆爛膾祭 原本爛訛爛據禮記改

卷十九



駕鴛條追述親迎盛禮以見嫡非妾所得加 原本嫡  
非二字互倒今改

--	--	--	--	--	--	--	--	--

待軒詩記

明張次仲撰

卷一

雝雝鳴雁注六禮惟納徵用幣 原本納訛初據儀禮

改

卷二

副笄六珈注毛傳謂編髮為之 原本傳說詩案此係

毛氏傳文今改

有女同車序刺忽也注亦待大國之助乎 原本助訛

功據胡安國春秋傳改

卷四

田車既好注田者大芟草以為防原本脫大字才毛傳  
增 又擊則不得入原本擊訛擊據穀梁傳及毛傳  
改

卷八

思文序后稷配天也注自外至者無主不止也 原本  
止訛至據公羊傳改

虞東學詩

宗人府主事顧鎮撰

卷二

綠兮衣兮章鄭箋改綠為緣不可從 刊本緣訛祿據

注疏改

卷三

揚之水章申在南陽宛北謝山之下 刊本謝訛序據

潛丘劄記改

卷五

蒹葭蒼蒼章荻之初生曰蒨一曰蘆一曰離 刊本離

訛雛據爾雅注改

卷六

呦呦鹿鳴章小臣左何瑟 刊本何訛向據儀禮改

卷七

正月繁霜章褒氏入宮見寵而伯陽甫歎之 刊本缺

伯字據史記補

卷十一

有來雖雖章陸農師以春夏為審諦之時 刊本師訛

司今改

韓詩外傳

漢韓嬰撰

卷二

魯監門之女嬰段由是觀之禍與福相反也 反疑當

作及

卷三

武王伐紂段使各度其宅而佃其田無獲新舊 獲疑

當作或

傳曰子路盛服以見孔子段今汝衣服其盛顏色充滿

其疑當作甚

卷四

夫當世之愚段隩要之間衽席之上 要疑當作突

卷五

君者民之源也段欲附下一民則莫若及之政 及疑

當作反

孔子學鼓琴於師襄子段默然而思戚然而悵 他本

思作異戚作幾悵作長疑並訛當作黝然黑頽然而

長

卷十



扁鵲過虢侯段為先軒之竈八拭之陽陽疑當作湯  
天子有爭臣七人段言文王咨嗟痛殷商無輔弼諫諍  
之臣文刊本訛大今改

楚莊王將興師伐晉段君今知貪彼之土而樂其士卒  
此下當有缺文



欽定四庫全書考證

卷八 經部

周禮注疏

周官新義



周禮注疏 漢鄭氏注 唐賈公彥疏

正義序

黃帝受命有雲瑞故以雲紀事刊本雲瑞訛瑞雲據明

監本改

鄭氏注下疏

注者於經之下自注已意使經義可申刊本義訛意據

明監本毛本改

卷一天官

辨方正位注下疏即得景為規識之刊本即訛既據明

監本毛本改

乃立天官冢宰注宰主也刊本宰訛掌據經典釋文改  
胥十有二人注下疏引易歸妹六三以須刊本三訛二  
據周易改

宮正疏自內宰至屨人刊本屨訛履據經改  
掌次注次自修正之處案明監本毛本正俱作止

閤人注下疏晨時啟門則論語謂之晨人也案何晏論  
語集解及後漢書注引論語鄭注本晨人皆作晨門  
內司服疏以其掌后以下六服刊本六訛大據後內司

服職文改

卷二

以八統詔王馭萬民疏六曰尊貴者刊本貴訛賢據經  
改

飭化八材注象曰磋案經典釋文磋作嗟

九穀注九穀無秫大麥而有梁苾音義苾音孤刊本孤  
訛瓜據經典釋文改

以九式均節財用疏二曰賓客之式者謂若上公饗餼  
九牢殮五牢五積之類刊本脫殮五牢三字據明監

本毛本及秋官掌客職增

以九貢致邦國之用注下疏材貢榦榦栝柏篠蕩也刊  
本榦訛餘據注改

八曰游貢注下疏游讀如圃游之游刊本如訛為據注  
改

設其參音義參七南反干云三公也刊本公訛分據經  
典釋文改

陳其殷注下疏次國之士為後行上士當大國之中士  
中士當大國之下士刊本脫為後行至之下士十九



字據明監本毛本增

凡治以典待邦國之治疏官成在八法治官府中今特  
出之者刊本出訛見據上文及毛本改

祀五帝注下疏未祭前引之者欲見祭前誓戒刊本誓  
訛示據注及毛本改

卷三

以官府之八成經邦治注下疏吳人令服兵擐甲刊本  
令下衍曰字服訛伏脫擐字據國語刪改增

七事者令百官府共其財用注下疏引卿大夫國中貴

者賢者服公事者老者疾者刊本脫賢者二字又服  
公事者四字訛在疾者下據上注增改

宰夫之職掌治朝之法疏南面東上大僕大右刊本脫  
下四字據司士職增

歲終則令羣吏正歲會注下疏少宰云旬有一日刊本  
少宰訛小宰據明監本毛本及儀禮改

卷四

羞用百有二十品刊本脫有字據疏及毛本增

膳用六牲注下疏瀆取牛羊肉案內則無羊字此訛衍

以樂侑食注禮飲食必祭示有所先案經典釋文作示有先也

庖人六禽注下疏下文禽獻之內刊本獻記獸據後經改

賓客之禽獻疏云賓客之禽獻者刊本獻訛獸據本文改

凡用禽獻注下疏金為言犬亦言屬金以上下文義推之屬字上當有故字疑傳寫脫

膳禽注下疏上膳夫職所掌者是其正此禽獻者是其

加刊本獻訛獸據上節經文及本節注改

凡掌共羞脩刑臙胖注刑劓美也音義劓音刑刊本此句訛在下牒直輒反又之涉反下今據注文先後及經典釋文改

祭祀共麤羸蚘注蟲舍蚘蠖音義蠖字林允絹反刊本絹訛緡據明監本毛本及經典釋文改

凡祭祀共豆脯音義豆音羞案經典釋文此下有出注二字疑此脫

臙胖音義胖杜音版刊本版訛版據經典釋文改

卷五

調以滑甘疏通利往來刊本利訛和據毛本及後瘍醫  
注改

以五氣養之注下疏用此五穀養之刊本養訛食據經  
文及明監本毛本改

然後藥之養之注下疏故云亦先攻而後養之也刊本  
複衍故字今刪

春始治鑑注下疏月令仲春云獻羔而開冰刊本春訛  
夏據禮記月令改

朝事之邊注鮑者於福室中糗幹之音義福皮逼反本  
又作偁刊本偁訛福據經典釋文改

朝事之邊其實麤黃注黃泉實也疏注謂若圓曰簞刊  
本簞訛簞據毛本及明聞人詮校本改

饋食之邊乾褸音義褸音老刊本褸訛褸據經及經典  
釋文改

加邊之實淺芡音義芡音儉刊本儉訛險據經典釋文  
改

卷六

醢人掌四豆之實注雜以梁麩及鹽刊本梁訛梁據明  
監本毛本改

昌本麋鷄刊本麋訛麋據經及明監本改

文織音義織音志一音如字劉音至刊本作一音至又  
如字據經典釋文改

以九貢之灋致邦國之財用疏謂口率出泉刊本泉訛  
錢據明監本改

卷七

三歲則大計羣吏之治以知民之財器械之數據疏引

此句財下有用作字疑此傳寫脫

大祭祀喪紀之事疏喪紀設門燎蹕宮門廟門者刊本

紀訛祀據經改

寺人掌王之內人及女宮之戒令注下疏謂男女没入

在宮為嬪者也案男字訛疑當作婢

執褻器以從遺軍注褻器振飾頰沐之器刊本飾訛節

據疏及毛本改

九嬪掌婦學之法注下疏婉之言媚也刊本婉訛婉據

內則注及明監本毛本改



卷八

泣陳女宮之具疏案春官世婦宮卿云刊本宮訛官據  
世婦職疏改

女功之事齋注下疏齋以齊次為聲從貝變易則兩字  
俱得刊本字訛字今改

典象注草葛蒨之屬音義蒨苦迴反刊本苦訛若據經  
典釋文改

染人注凡染當及盛暑熱潤刊本凡訛石據鍾氏職疏  
引此注改

卷九 地官

縣師注下疏四百里曰縣五百里曰都刊本二里字並  
脫據上下文義增

賈師疏凡國之賣債刊本債訛價據賈師職及明監本  
改

廩人注藏米曰廩案經典釋文藏作盛

卷十

辨其山林川澤邱陵墳衍原隰之名物注高平曰原音  
義原本又作遼刊本遼訛遼據經典釋文改

三曰聯兄弟音義一本作聚兄弟刊本聚訛娶據經典  
釋文及明監本毛本改

五比為閭使之相受注下疏與此閭內自相容受不同  
刊本自訛有據明監本及毛本改

八曰斂材疏此八月斂材已上與太宰同刊本材訛財  
下九曰生材句亦訛據經及明監本毛本改

二曰六行孝友睦婣任恤音義婣音因刊本婣訛姻今  
改

祀五帝疏即大司徒奉牛牲刊本即訛既據明監本及

毛本改

大賓客令野修道委積疏大司徒令遺人於野路之上  
修治道塗刊本遺訛積據注及明監本改

卷十一

凡經土地而井收其田野注井有九夫二千三百四井  
為二萬七百三十六夫刊本二萬訛一萬據疏改

族共喪器注喪器者夷盤素俎楬豆音義楬苦瞎反刊  
本楬訛楬據明監本及經典釋文改

老者疾者皆舍注疾者謂若今癘不可事者刊本癘訛

廢據毛本改

皆征之疏云皆征之者及口率出泉刊本泉訛錢今改  
獻賢能之書于王注當詔王爵祿之刊本之下衍時字  
據校宋本刪

卷十二

春秋祭禘亦如之注下疏鄭知禘謂雩禘水旱之神者  
刊本上禘字訛祭據注改

凡事掌其比釁撻罰之事注其爵以兕角為之刊本脫  
以字據疏及毛本增

鼗鼓注下疏大鼓謂之鼗是訓鼗為大刊本鼗訛鼓據  
明聞人詮校本改

凡祭祀百物之神疏上文神祀社祭鬼享文內不及小  
神刊本內訛局據文義改

凡陽祀用駢牲注駢牲赤色刊本訛色赤據疏及校宋  
本改

與其盆簠音義簠音老刊本老訛柶據經典釋文改  
展牲則告牲注下疏始付充人刊本付訛附據明監本  
改

碩牲則贊注君牽牲入將致之刊本牽訛率據疏改

卷十三

稍縣注于三分所去六而存一音義去起呂反徐方二  
反刊本方訛力據明監本及經典釋文改

唯其黍林之征二十而五刊本黍作漆據宋本及經典  
釋文改

國宅注周稅輕近而重遠刊本周訛國據疏及玉海引  
此注改

黍林音義劉本作黍字之變也刊本黍訛黍據經典釋

文改

征稅注下疏美薄之收不通相倍蓰而上中下也刊本  
蓰訛從據明聞人詮校本改

三年大比則大均注有年無年大平計之案大平即大  
均之義刊本大訛太據經改

卷十四

凡嫁子娶妻疏凡嫁子娶妻含尊卑刊本含訛舍據明  
監本改

純帛注下疏此純帛及祭統蠶事以為純服案此引祭



統王后蠶于北郊以供純服文刊本及訛交統訛義  
今改

以量度成賈而徵債注物有定賈刊本賈訛價據經典  
釋文改 又音義聶氏及沈云成賈定賈莫賈物賈  
其賈平賈大賈小賈賈賤恒賈而賈故賈凡十二音  
嫁刊本定字莫字互訛平賈脫賈字據經典釋文改  
增 又莫賈而賈此及經典釋文俱脫賈字據後經  
注增

量度注下疏其實一龠合龠為合刊本龠俱訛齋據漢

書改

卷十五

凡四方之賓客敬關注敬關猶謁關人也刊本敬作叩

據經注改

敬關注下疏候不出疆刊本候訛侯據國語改

道路用旌節注下疏其民出入皆授旌節刊本授訛受

據明聞人詮校本改

遂人掌邦之野注此野謂甸稍縣都刊本謂作為據疏

及明聞人詮校本改

以土地之圖經田野造縣鄙形體之灋注經形體皆謂  
制分界也刊本謂作為據疏及明聞人詮校本改

大喪及窆抱磨刊本磨訛磨注音義疏俱訛並考字書  
改

大喪注行至擴乃說音義說始銳反刊本始訛如據經  
典釋文改

卷十六

稍人掌命邛乘之政令音義甸并為甸刊本并訛并據  
經典釋文改

輕輿用犬刊本輿訛輿音義疏並訛據經典釋文改

赤緹用羊音義緹音低李宅奚反刊本低訛抵宅訛宅  
據經典釋文改

馘瀉用貍注貍獠也音義獠宅官反刊本宅訛宅據經  
典釋文改

若祭山林則為主而修除注修除治道路場壇疏注場  
謂壇刊本壇訛禪據明監本改

喪紀共其葦蒲之事注下疏即芻剪不納者是也刊本  
芻訛芻據別本及禮記改

掌蜃注下疏成公二年宋文公卒始厚葬刊本二年說  
之時據左傳及明聞人詮校本改

祭祀共蜃器之蜃注天王使石尚來歸脤刊本脤訛蜃  
下脤之器脤字亦訛據春秋及大宗伯注改

牧百獸注至于狐狸鳧鶴備焉音義鶴戶各反刊本戶  
訛尸據經典釋文改

卷十七 春官

惟王建國注下疏春秋禘于太廟濟僖公音義濟本又  
作躋刊本濟訛躋據經典釋文改

典祀疏掌其政令刊本政訛禁據後典祀職改

外宗注下疏釋曰鄭知外女是王諸姑姊妹之女者刊  
本上女字訛宗據經注改

大師眡瞭注下疏虎視眡眡刊本眡訛眡據易經改

大師小師刊本小訛少下同據經改

簋人刊本簋訛簋疏並訛今改

眡禋音義禋子鳩反刊本鳩訛鳩據經典釋文改

甸祝疏掌四時之田表貉之祝據甸祝職文作表貉之  
祝號此脫號字

卷十八

日月星辰注下疏天生大列極為中宮大極星案史記  
天官書大極作天極

以血祭祭社稷注下疏故湯遷柱而以周棄代之刊本  
柱訛社據明聞人詮校本改

以豕沈祭山林川澤注下疏宗祝亦執勺以先之刊本  
勺訛爵據玉人注改

冬見曰遇注下疏欲其若不期而偶至刊本偶訛俱據  
注改

時見曰會注王將有征討之事刊本討訛伐據注改

以軍禮同邦國注下疏朱干設錫之類刊本錫訛錫據  
禮記郊特牲改

朝覲會同注下疏云相詔王禮也者刊本云訛為據明  
監本改

國有大故則旅上帝注下疏祀帝于郊而風雨節寒暑  
時刊本風雨下脫節字據禮記禮器增

卷十九

毛六牲注下疏先鄭云司徒主牛已下刊本主訛奉據



注改

辨六尊之名物以待祭祀賓客注下疏故鄭亦畧而不  
言各本故說先今改

若國大貞疏凡國大貞卜大封之等刊本封說遷據注  
及大卜職文改

凡祭祀賓客以時將瓚裸疏凡祭祀贊王幣爵之事刊  
本王說玉據小宰職文改

瓚裸注下疏是以祭祀云刊本統說義據禮記改

大哉注下疏女巫職云凡邦之大哉刊本邦說郊據女

巫職文改

以秬鬯泔音義泔杜音泔亡忍反刊本忍訛恐據經典  
釋文改

甫窳注窳聲如腐脆之脆刊本下脆字作臍據經典釋  
文改

成墓注下疏故經設喪祭在成墓之上也刊本經設訛  
設經據文義改

及其祈珥音義祈巨既反或巨依反刊本及釋文巨訛  
且監本訛區依字音改

築鬻注下疏築鬱白以柶杵以梧刊本柶訛柶據禮記

雜記改

掌兆注兆壇塋域案小宗伯注塋作營

且授之杖注下疏士為天子服刊本及監本毛本俱脫  
士字據注增

獮之日涖卜來歲之戒注下疏秋教治兵之日故於是  
戒不虞也刊本也訛世今改

凡裸事用概注下疏裸當為狸刊本及釋文狸俱訛埋  
據宋本及大宗伯文改

卷二十

司尊彝與其實注實鬱及醴齊之屬音義齊才計反刊  
本才訛丁據經典釋文改

朝享注下疏朝享謂朝受政于廟者刊本謂訛為據注  
及毛本改

盞齊泂酌注泂酌者梳飾勺而酌也刊本梳訛梳飾訛  
拭據經典釋文改

梳字音義梳舒銳反刊本梳訛梳舒字上行飾字據經  
典釋文刪改

凡六彝六尊之酌疏上不言巽者亦是文不具也刊本不言訛作言不據文義改

司几筵掌五几注五几左右玉彫彤漆素刊本漆訛膝據後經文及毛本改

穀圭以和難以聘女注晉侯使段嘉平戎于王案段左傳作瑕刊本訛作段考段字音徒玩反與瑕異據經典釋文改

大喪共飯玉疏諸侯飯用梁天子之士飯用梁刊本二梁字俱訛梁今改

卷二十一

及其出封皆加一等注下疏其義已備宗伯職也刊本  
其訛則據明聞人詮校本改

視小國之君注下疏擯將幣裸酢饗食之數案大行人  
擯下有者字此脫

王之吉服注下疏謂刺繪為繡次刊本繪訛繪今改  
吉服注下疏謂交龍為旂刊本交訛蛟據司常職文改  
凡弔事并經服注下疏但五服之經總經最小刊本五  
訛無今改

錫衰總衰注下疏喪服傳文其疑衰無文刊本其字下  
衍總衰二字據注及上下文義刪

大札大荒大裁素服注下疏彼衣布謂常服此素服謂  
祈禱刊本脫此素服三字各本俱脫據文義及下節  
釋齊服素端增

公之服疏今以次轉相如刊本如訛於據經及後疏改  
玄端素端注下疏衣袂二尺二寸喪服記文刊本文訛  
云今改

薦加豆籩注下疏即醢人籩人加豆加籩之實是也刊

本之訛加據醢人邊人職文改

以爵等為邱封之度與其樹數注下疏庶人不封不樹  
刊本封訛墳據王制改

及莖言鸞車象人注下疏孔子謂為芻靈者善刊本為  
訛其據疏及檀弓改

掌其度數注下疏云度數爵等之大小者刊本爵等訛  
等爵據注改

卷二十二

大司樂凡有道者有德者使教焉注若舜命夔典樂教



育子案育字經典釋文音冑疑鄭氏所據尚書本異以樂舞教國子注堯能殫均刑法以儀民音義殫待戰反案經典釋文待作時

大夏疏二十舞大夏即此六舞也刊本六訛大據明監本改

凡樂疏六成復綴以崇刊本崇字下衍天子二字據明監本及禮記樂記刪又注下疏三者恒相埒刊本埒訛將據明聞人詮校本改又冬有星孛於大辰刊本星訛心據左傳改又人宮所生大呂為角刊

本人訛天據注改

大射令奏騶虞音義騶側留反刊本側訛則據經典釋  
文改

卷二十三

行以肆夏注下疏九夏皆歌之大者刊本歌作詩據鍾  
師注改

凡樂成則告備注下疏又引燕禮者刊本引訛云據明  
聞人詮校本改

詔來瞽臯舞注呼擊鼓者刊本擊訛繫據文義改

凡喪陳樂器疏竽笙備而不和刊本竽笙訛笙竽據禮  
記檀弓改

展樂器注下疏樂器謂鼓鐘笙磬柷敔之等刊本柷訛  
祝據小師職文改

小師掌教鼓鼗柷敔塤簫管弦歌注塤六空管如篪六  
空刊本二空字俱訛孔據經典釋文及音義空音孔  
改 又命大予樂官有焉各本予訛子疏同據漢書  
改

簫管注如今賣飴錫所吹者刊本今訛令據注改

典同掌六律六同之和注下疏并大師執同刊本并訛  
并今改 又其竅厚均者刊本厚均訛均厚據漢書  
改 又一說崑崙之壯谷名也刊本名訛口據漢書  
注改

卷二十四

凡軍之夜三鑿昏鼓之注下疏賓將擷注云擷謂行夜  
刊本訛作夜行據左傳注經典釋文改

國祭蜡則歛幽頌注下疏凡言頌者頌美成功之事故  
於七月風詩之中亦有雅頌也案此段言頌不言雅

雅字疑衍

掌三易之灋注連山處戲刊本處訛密據注及經典釋  
文改

其經運十其別九十注運當為輝是眠祿所掌十輝也  
刊本眠訛眠據經疏改

以邦事作龜之八命注下疏還即席西面坐刊本席字  
下行乃字據儀禮刪

揚火以作龜致其墨註致其墨者熟灼之熟字疑是熟  
字之訛

旅亦如之喪亦如之疏即今大觜螭龜也刊本螭作蟻  
又山澤水火皆說龜生之處所也刊本龜生訛生  
出俱據爾雅注改

卷二十五

乃舍萌于四方注下疏芒而直出曰萌案此係月令萌  
者盡達注此引作樂記區萌達注誤又月令注作芒  
而直曰萌無出字此誤衍

四曰縈注下疏云縈如日食以朱絲縈社者刊本縈訛  
縈據注改

二曰命注主為其命也刊本主訛王據疏改

六曰誅注不慙遺一老刊本慙訛慙據經典釋文改

七曰絕祭注右取肺據鄉飲酒禮作右手取肺

言甸人讀禱注下疏案甸師職云刊本師訛人據經改

### 卷二十六

甸祝疏當此貉祭之時甸祝為號刊本甸訛田據經改  
師甸注下疏漬以美酒塗置瓶中百日則成矣刊本瓶  
訛甗據明聞人詮校本改

作盟詛之載辭注下疏宋寺人伊戾坎用牲加書為世

子痤僞與楚客盟案左傳坎作欲痤下無僞字係鄭氏司盟注約左傳文此訛衍

若國大旱則帥巫而舞雩注下疏帥而舞旱暵之事刊本事訛祀據舞師職文改

馮相掌十有二歲注歲日月辰星宿之位刊本辰字訛在星字下據下注及疏改

以辨四時之叙注下疏夏至惟尺五寸景也刊本夏至訛至夏據大司徒職經注改

以十有二氣之相注十二歲而一周刊本一訛小據明



聞人詮校本改

卷二十七

樊纓十有再就注下疏此樊纓十二就之屬刊本此下  
訛中字據文義刪

金路注下疏雖是異姓得以乘金路刊本得以訛庶姓  
據文義改

木路前樊鵠纓注下疏而賈氏謂前纓有結刊本謂訛  
為據明聞人詮校本改

車僕掌平車之萃注杜子春云平車當為駟車其字當

為革書亦或為革案此子春破故書平字明當作革  
字義顯然各本平訛革下二革字俱訛革據文義改  
司常掌九旗之物各有屬注屬謂徽識也大傳為之徽  
號案明聞人詮校本為作謂

孤卿建旌注下疏卿合建旌刊本旌訛旒據經改  
皆畫其象焉注下疏上言旌旗之文此言旌旗之細者  
也刊本旗訛旒據注改

都宗人注下疏案史記伏羲以前刊本脫記字據明聞  
人詮校本增

凡以神仕者注下疏春秋文二年大事於太廟案此本  
春秋公羊傳及何休注文刊本春秋記左傳今改  
以冬至日致天神人鬼刊本鬼記魁據明監本改

卷二十八夏官

大國三軍注下疏鄭答林碩為三軍之大數者以實言  
之也刊本三軍訛二萬據詩魯頌疏改

凡制軍注下疏多以軍為名謂征伐刊本多訛軍據上  
文云出兵而多以軍為名改

小子下士二人史一人徒八人注下疏在此者以其職

有掌祭祀刊本祭字上行小字據小子職刪

都司馬注都王子弟所封及三公采地也刊本三公下  
衍衆字據疏及毛本刪 又既是軍故在此也案注  
云司馬主其軍賦此當作既是軍賦故在此也軍下  
脫賦字

家司馬注下疏案載師職家邑任稍地刊本案記接據  
毛本改

卷二十九

暴內陵外則壇之注壇讀如憚之以威之憚書亦或爲

憚案此係鄭司農引為讀壇從憚之證應作書亦或  
為憚音義憚徒旦反下同明指此憚字今據改

挾日而斂之音義挾子協反刊本挾字上衍始直吏反  
四字案始字無直吏反之音檢釋文作治象直吏反  
蓋訛入天官治象之音非始音也今刪

中春教振旅注下疏是以書傳云戰鬪不可空習刊本  
云訛文據尚書大傳畧說改

辨鼓鐸鐺鏡之用注下疏鄭引鼓人職者刊本職訛執  
據注改

中夏教爰舍如振旅之陳注下疏即下注三者案此指  
下注鄉遂之屬謂之名三事各本下訛上據注改  
若師不功則厭而奉主車注故秦伯之敗於穀也疏秦  
師還至穀刊本穀俱訛散音義疏同據經典釋文改  
喪祭奉詔馬牲注蓋大遣奠也刊本脫大字據疏增

卷三十

凡受馬於有司者書其齒毛與其賈注償以齒毛刊本  
齒毛訛毛齒據經及疏改

若有馬訟則聽之注謂賣買之言相負案負字無解疏

亦不釋繹文義疑是質字之訛

量市朝疏云量市朝道巷門渠者刊本脫門渠二字據  
經增

凡祭祀饗賓注若燕禮獻賓薦脯醢是也刊本禮記行  
據儀禮改

國有故疏謂使司險之下徒四十人之屬刊本徒上行  
胥字據序司險刪

射則取矢注鄭司農云王射則射鳥氏主取其矢刊本  
王訛主據毛本改

卷三十一

大僕前注前正王視朝之位刊本正訛在王字下據疏  
及監本毛本改

凡祭祀掌士之戒令疏謂祭末旅酬無算爵之時刊本  
末訛未據特牲饋食禮旅酬在祭畢時改

諸子掌國子之倅音義倅七內反刊本七訛士據監本  
毛本及經典釋文改

國之存遊倅注下疏已是未仕刊本未下行在字今刪  
郊祀裘冕疏依禮緯含文嘉云刊本文下複衍一文字



今刪

方相氏注下疏郊特牲云鄉人禘刊本禘記儼據禮記  
郊特牲改

王不眡朝注春秋傳曰公有疾不視朔刊本及監本朔  
俱訛朝據毛本及春秋經傳改 又疏引之者證不  
視朝亦是有故不視之意也案此指本文不視朝言  
各本朝訛朔據文義改

卷三十二

朱紘注下疏紘一條屬兩端于武者刊本紘訛繅據注

改

各以其等為之注謂縹旂玉璣刊本脫謂字據疏增

夾弓庾弓音義庾師儒相傳讀庾本作或庾案庾無庚音且既作庾弓不得又言本或作庾以考工記作史弓又經典釋文音庾考之此經當亦作史音義當作師儒相傳讀庾本或作庾也因各本俱訛姑仍之

贊牛耳桃茆注下疏殺牲取血旁有不祥案旁字疑防字之訛

齊右注下疏唯有齊右道右三者案齊右上當有戎右

二字各本俱脫

祭軌疏并祭軌之軾前案軌之軾前當作軾前之軌

卷三十三

飾幣馬注薦馬纓三就疏三就者謂馬駉三成飾之刊  
本飾訛舒據大行人上公之禮節疏改

圉師射則充椹質注習射處案此三字義似未了蓋蒙  
上椹質所射者言充此以共習射之處用而語有訛  
脫 又注下疏斬莖則苦蓋之類也刊本苦訛苦據  
注改

七閩音義閩亡巾反又亡干反刊本干訛干 又應劭  
音近文刊本劭訛邵並據經典釋文改

五戎六狄之人民注下疏爾雅唯有其數耳刊本唯訛  
雖據毛本改

竹箭注箭篠也刊本篠訛篠據毛本及經典釋文改音  
義疏並改

其山鎮曰會稽注下疏山陰縣名刊本縣訛郡據漢書  
地理志改 又太史公曰刊本脫曰字據史記增  
又穿墻深七尺壇高三尺刊本穿訛冢又脫壇字

又周方三畝刊本三字訛在周字之上據史記集解  
增改 又禹墓會稽不煩人徒刊本脫人字 又山  
上有禹井禹祠相傳云下有羣鳥耘田焉刊本脫祠  
相二字下訛一耘訛遊據呂氏春秋史記集解增改  
又具區在五湖在吳南者吳縣名刊本吳下行南  
字縣訛郡 又南江在吳南刊本在訛自據漢書地  
理志刪改

其山鎮曰岱山其澤藪曰鉅野注下疏博興鉅野皆縣  
名刊本皆下行郡字據漢書地理志刪

東壯曰幽州其山鎮曰醫無閭其澤藪曰獫狁瑯琊  
有萊山刊本瑯琊據漢書地理志改

河南曰冀州其山鎮曰霍山注下疏在河東菑縣東刊  
本菑縣訛縣菑據漢書地理志改 又漳水出上黨  
沾大更谷案更古要字刊本訛作黽據說文及水經  
注改 又汾縣歸德皆縣名刊本縣訛郡據漢書地  
理志改

凡邦國注下疏無附庸則為閒田使大夫治之以利民  
稅案利字疑是収字之誤

以土地相宅而建邦國都鄙刊本脫邦字據明監本聞  
人詮校本及序官土方氏疏增

匡人注下疏書者洪範皇極之章刊本章訛事據明監  
本毛本改

都司馬疏若王家有軍事刊本事訛士據明監本毛本  
改

卷三十四 秋官

若蒺氏音義若音摘它厯反徐文列反刊本文訛支據  
明監本及經典釋文改

赤友氏音義友徐音跋刊本音訛昔據經典釋文改

上愿糾暴注愿慤慎也音義慤苦角反刊本苦訛若據

毛本及經典釋文改

小司寇擯音義擯必忍反刊本必訛兵據經典釋文改

凡命夫命婦注下疏曰子夏傳云大夫者其男子之為

大夫者也刊本上大字訛命據喪服子夏傳及明監

本毛本改

二曰邑聽注下疏體慤曰遠刊本遠訛悛據小爾雅改

一曰誓用之于軍旅二曰誥用之于會同注誓誥于書



則甘誓湯誓大誥康誥之屬刊本脫湯誓二字據疏  
及明監本增 又音義誥古報反刊本古訛戶據經  
典釋文改

掌士之八成注下疏依前比類決之刊本依訛以據明  
監本毛本改

一曰邦洵注邦洵者刊本邦訛國據經改

考證監本脫及春官籥章五字刊本及訛春據疏內所  
補改

卷三十五

若欲免之疏恐有濫行行字疑刑字之誤

三月而上獄訟于國注三月乃上要者案文義者字當  
在下句又變朝言國下

受其入征者疏青邱之山其陽多玉刊本邱訛之據山  
海經南山經改

凡幾珥沈辜注幾讀為被祭山曰被縣刊本被訛依考  
爾雅作履案此係鄭司農引之以證讀幾為被之說  
字當作被檢經典釋文亦作被蓋司農爾雅本與今  
所傳郭本異也今據經典釋文改但經典釋文被旁

支訛作攴又據廣韻改

上罪桔拳而桎音義桔苦毒反刊本脫音義二字今增  
掌戮掌斬殺賊謀而搏之注下疏刑五而已刊本訛作  
大刑有五據國語改 又鉅以竿之案此句俯侵下  
其次用鑽竿之義必有誤檢國語韋昭注作斷截用  
鉅此竿字疑作截 又齊侯親鼓之遂取龍刊本取  
訛滅據左傳改

凡殺其親者焚之注下疏棄如流宥之刑刊本棄訛所  
據注及周易改

卷三十六

比國郊及野之道路注下疏此經所云主為賓客在道  
須得供承守衛之事刊本主訛王承訛丞據文義改  
若有死于道路者注有部界之吏刊本部訛郡各本俱  
訛據玉海引此註改

凡誓執鞭以趨于前且命之注下疏若且命以下案此  
指經文且命之以下誓詞而言刊本下訛上據經改  
卷三十七

時會以發四方之禁注下疏或一國或五國謀叛不順

五字當是二字之誤

象胥注此官正為象者周始有越裳重譯而來獻是因  
通言語之官為象胥案此引尚書大傳交趾之南有  
越裳國以三象重九譯而獻白雉以明通言語之官  
所以取名南方象之故刊本脫裳字今增

達天下之六節注下疏知公之子弟亦有采地者刊本  
弟訛孫據注改

合六幣注下疏彼朝聘之圭璋刊本璋訛特據文義改  
又見玉人職云瑑琮八寸刊本瑑訛璧據考工記

改

卷三十八

主君郊勞交擯三辭疏三辭者賓三辭主君以禮來於外刊本賓三辭三說一據經改

及將幣疏主君在大門內之東刊本內說外據下云傳辭訖主君乘車出大門則此傳辭時當在門內今改又上相即上擯上介刊本上相說相入據文義改又故此交擯亦得介紹而傳命也刊本介紹介紹介據注改

致贈郊送皆如將幣之儀注下疏致贈郊送亦然刊本  
贈訛聘據經改

賓繼主君皆如主國之禮注故曰皆如主國之禮刊本  
主訛三據毛本改 又注下疏云其於衰公又當三  
十刊本於訛餘據注改

至於朝詔其位疏周社亳社刊本亳訛亳今改

卷三十九冬官

粵之無鋪也注下疏矜即前注攢刊本攢訛攢據上節  
注改

知者創物注無句作磬刊本磬訛磬據禮記明堂位注  
改

搏埴之工二搏字各本及釋文俱作搏釋文音團音博  
以聲義考之音團者手旁當作專音博者手旁當作  
專此注云搏之言拍也取音聲相近為訓則讀博音  
从手旁搏無疑今改注音義疏並改 又音義梳讀  
為刮者刊本刮訛括據注改

攻木之工疏注侏儒扶廬矛矜是也案國語無矛矜二  
字



既摩草色青白注謂丸漆之刊本丸訛凡音義疏並訛  
據明監本及經典釋文改

侷以行山則是搏以行石也音義搏徒丸反刊本丸訛  
凡據字音改

卷四十

國馬之輶疏慶人云馬八尺以上為龍刊本慶訛庾據  
夏官改

故登陞者倍任者也注下疏案方言車紂自關而東刊  
本車訛本據方言改

弧旌枉矢以象弧也疏以衣韜其弓謂之弓韜月令帶以弓韜是也刊本韜俱訛韜據月令改

段氏為鑄器注下疏錢鈹鑄鑄刊本鈹下衍錢字鑄下脫鑄字據毛詩疏刪增

長內則折前短內則不疾注下疏援四之八寸刊本四訛曲據上經改

卷四十一

磬氏為磬注下疏案樂經云磬前長三律二尺七寸刊

本脫經字據三禮圖引樂經增

謂之小蟲之屬音義蚣息容反刊本息訛思據釋文改  
又注下疏蚘蟻蟬刊本蚘訛蚊據爾雅改 又幽  
州人謂之春箕刊本春訛春 又長角長股刊本脫  
上長字據毛詩及爾雅疏改增

梓人為飲器注下疏爵制今韓詩說至不滿豆矣俱許  
慎五經異義文故下云鄭駁之云蓋引鄭駁異義也  
此爵制上脫異義二字

四阿重屋注四阿若今四注屋案四注四面有雷也刊  
本及監本毛本注俱訛柱據儀禮士冠禮疏引此注

改疏並改

卷四十二

九夫為井疏其澮廣二尋深二仞刊本仞訛刃據經改  
又小爾雅四尺曰仞刊本脫小字據小爾雅增

又二謂十二而稅刊本二訛三據論語注改

凡昵之類不能方注脂膏臚敗之臚刊本臚敗訛敗臚  
據注改

覆之而角至謂之句弓音義句九具反沈音鉤刊本音  
訛皆據經典釋文改

周官新義 宋王安石撰

卷一天官一

體國經野設官分職以為民極義宮門城闈堂室之類  
高下廣狹之制凡在國者莫不有體此之謂體國案  
鄭康成注云體猶分也賈公彥疏云分國城之中為  
九經九緯左祖右社之屬今云宮門城闈之類莫不  
有體終不如注疏之說為長 又極之字從木從亟  
木之極者屋極是也案安石集字說序云聲之抑揚  
開塞合散出入形之衡從曲直邪正上下內外左右

皆有自然之義非私智所能為余讀說文時有所悟因作字說以所推經義附之則極字從木從亟云云其初本用以解經其後乃彙為字說也

以八法治官府義六官聯事則有故常案鄭注官常謂各領其官之常職非連事通職所共今云六官聯事則有故常則官常與官職無分

正月之吉義朔月謂之吉則明生之幾故也案明生之幾蓋取易大傳幾者動之微吉之先見之義但以解朔月謂吉之義似涉附會

卷二 天官二

以官府之六屬舉邦治義蓋治所不能及然後教業此似用老子先道而後德之義非經之本旨

以聽官府之六計弊羣吏之治義治亂謂之亂治擾謂之擾則治弊謂之弊矣案弊鄭注云斷也今日治弊謂之弊與鄭說異

治其施舍義施惠馬謂之施舍政役馬謂之舍案施舍鄭注云不給役者今云施惠馬謂之施則施別為一事與鄭說異

循以木鐸義有令馬必循鐸奮之者蓋將以禁人則宜使之皆知不使之不知也原本不使訛皆使今改

卷三天官三

宮正以時比宮中之官府次舍之衆寡為之版以待義使居其處待所為也原本脫居字今據注疏補

卒食以樂徹于造義造至也致食于是然後進而御王及其卒也徹于所致而置焉案鄭注云造作也又引鄭司農云謂食之故所居處也安石用司農說故云致食于是然後進而御王即內則所謂天子之閣左



達五右達五也疏謂二鄭義同非是

王齊日三舉義然此特祭祀之齊尚未及夫心齊也案  
心齊之義本莊子但莊子以不飲酒不茹葷為祭祀  
之齊與周官齊日三舉之齊義各不同安石蓋借用  
大喪則不舉義王以能承順天地和理神人使無災害  
變故故宜享備味原本味訛位今改

卷四 天官四

獸醫義人言死終獸言死則以物之所以死有不可察  
故也原本作有以物之所以死不可察今據文義改

卷五天官五

大府義受藏之府則若職內掌邦之賦入者是也受用  
之府則若職歲掌邦之賦出者是也案安石集乞改  
三經義誤字劄子云受藏之府則若職內掌邦之賦  
入是也受用之府則若職歲掌邦之賦出是也以上  
三十字今欲刪去題下注云元豐三年八月二十八  
日奉聖旨宜令國子監依所奏照會改正而永樂大  
典仍係未改之本八字出字下又多二者字

玉府王齊則共食玉義北齊李預常得食法采而食之

及其死也形不壞而無穢氣案食玉鄭司農云當食  
玉屑不過少許以助清明之養此乃引壯齊李預事  
則後世服食之法似失經旨

卿大夫則共麋侯義卿大夫以養人為事養人則以除  
患害為先故也案王與之周禮訂義引安石說作卿  
大夫之德則能養人而已不能除患不足以養人與  
永樂大典不同而義皆可通訂義或別有據今仍原  
本

卷六 地官一

乃經土地而井牧其田野義至于興兵之際則八陣圖之法案地官解義原本闕間見于王氏訂義今以校補此條語意似未完或由訂義節錄今無別本可校姑仍其舊

黨正各掌其黨之政令案安石集乞改三經義誤字劄子云黨正歲屬其民者四四當作五今地官原本闕附訂於此

卷七 地官二

國凶荒札喪則市無征而作布案安石集與人書云孟

子所謂市廛而不征法而不廛者先儒以國中之地  
謂之廛以周官考之此說是也蓋制商賈者惡其盛  
盛則人去本者衆又惡其衰衰則貨不通故制法以  
權之稍盛則廛而不征已衰則法而不廛文王之時  
關市譏而不征周公制禮則凶荒札喪然後無征蓋  
所以權之也此可補原本地官之闕

泉府掌以市之征布斂布之不售貨之滯於民用者索  
楊時辨神宗日錄云周官泉府之法所以通貨賄也  
若果子非有不售而滯於民用者而官斂之此與賤

丈夫之罔市利何異安石乃以為周公制法如此細  
大並舉乃為政體不亦謬乎 又凡民之貸者與其  
有司辨而受之以國服為之息案安石與友人論青  
苗云一部周禮理財居其半必貸之而後可以待其  
饑不足此誤解周禮以禍宋之由也歷代諸儒皆力  
辯之今地官原本闕其說不可考矣

五家為鄰義比相保則鄰亦相保閭相受則里亦相受  
族相葬則鄰亦相葬矣案相保相受相葬相救相賙  
見于大司徒之治鄉遂人初無明文安石蓋因大司

徒之職推之而意其然耳

以興耨利眘義孟子曰惟助為有公田許慎釋耨以殷人七十而助則助耨一也案鄭注云杜子春讀鋤為助安石引說文釋興耨蓋耨助古今字

里宰掌比其邑之衆寡案楊時集辨神宗日錄云周官平頒其興積新義曰無問其欲否概予之也故謂之平今地官原本闕據王氏訂義補不載此二句

卷八春官一

以禋祀祀昊天上帝義禋者意之精也無事于氣矣案

鄭注禋之言煙周人尚臭煙氣之臭聞者疏云尚書  
洛誥予以秬鬯二卣明禋注云禋芬芳之祭又周語  
云精意以享謂之禋則精意仍藉煙氣之芬芳以達  
今云意之精者無事于氣似不如注疏之周密

秋見曰覲冬見曰遇義秋非萬物相見之時于是見焉  
可謂勤矣故秋見曰覲案鄭注云覲之言勤也欲其  
勤王之事此云非相見之時故曰覲蓋從秋字生解  
而義反疏 又莫為之宗亦莫之宗其見也若邂逅  
然故曰遇案此又因夏見曰宗而附會之亦非本意



卷九春官二

司尊彝義朝獻即朝踐也以籩豆言之則曰踐以爵言之則曰獻相備也案鄭注云變朝踐為朝獻者尊相因也王義似較注說為直截

王晉大圭執鎮圭義故書珍為鎮當從故書以鎮為正案鄭注故書鎮作瑱瑱讀為鎮此云珍為鎮與今注本不同或別有所據今仍原本又駟圭璋璧琮琥璜之渠箸疏璧琮以斂尸義六物皆為渠箸璧琮文疏焉左右手足腹背各以其物會而斂也案安石集

乞改三經義誤字劄子云典瑞手足腹背手當作首  
今永樂大典仍係未改本作手字

凡祭墓為尸義山林之尸則以山虞案安石集乞改三  
經義誤字劄子云冢人山林之尸則以山虞以上八  
字今欲刪去永樂大典仍係未改本存此八字

卷十春官三

大司樂掌成均之法義教學之道成其虧均其過不及  
而已謂之成均義蓋取此案成均者成即樂之一成  
書云簫韶九成是也均古韻字鄭司農云均調也樂

師主調其音國語曰律所以立均出度是也此云成其虧均其過不及殊乖古訓

籥章義幽雅幽頌謂之雅頌則非七月之詩蓋若九夏亡之矣案幽雅幽頌先儒分七月之詩以當之朱子疑即雅之甫田大田頌之載芟良耜今以為其詩已亡以諸經參考之當從朱子說為是

卷十一春官四

大祝掌六祝之辭以事鬼神斥祈福祥求永貞義年祝所謂逆時雨寧風旱瑞祝則若金縢植璧秉圭業鄭

注年祝求永貞也瑞祝逆時雨寧風旱也疏云祈永貞是命年之事逆時雨寧風旱二者似若天之應瑞故謂之瑞據此仍當以注說為正

辨九祭義唯衍炮繚祭無所經見案鄭注衍當作延炮當為包聲之誤也延祭者曲禮曰主人延客祭是也包猶兼也兼祭者有司徹曰尸受兼祭于豆祭是也此云衍炮之祭無所經見當以康成說有改字之嫌故不從之歟

辨九楨以享右祭祀義享尊在已上者右尊在已下者

案享右祭祀注云享獻也謂朝獻饋獻右讀為侑侑  
勸尸食而拜王氏當嫌康成改字故不從之然于祭  
禮反無所據不如仍從康成之說

保章氏掌天星義掌天星者掌天與星也案天之行及  
日月之行度非星無以見故曰掌天星以志日月星  
辰之變動繹經意似不當分言

### 卷十二夏官一

凡宰祭與鬱人受筭歷而皆飲之義受筭傳之他器而  
皆飲之也案歷字疏謂鬱人與量人歷皆飲之也考

之少牢饋食有司徹諸禮亦無傳之他器之文王氏不知何據又夏官永樂大典原闕今據王氏訂義校補

卷十三夏官二

御僕掌羣吏之逆及庶民之復義庶民之復大司寇所謂遠近惇獨老幼之欲有復于上者案安石集乞改三經義誤字劄子云御僕掌萬民之復復當作逆今原本闕夏官此係王氏訂義補錄無此六字然考經文仍當作復不當作逆

祭軌乃飲紫安石乞改三經義誤字劄子云大馭有軌也軌當作軌今原本闕夏官然考鄭注故書軌為軛杜子春云軌當作軛車前軛也則仍當作軌不當作軌

卷十四秋官一

以園土聚教罷民義亦不可以一年而足故不齒三年  
原本脫上年字今據經文增

以嘉石平罷民義嘉合禮之善也案嘉石鄭注為文石也王氏說似非本意

以肺石達窮民義肺之情憂其竅為鼻案鄭注肺石亦石也王氏之說亦非本意

卷十五秋官二

異其死刑之罪而要之義死刑之罪定而又要之若今責伏辨矣案伏辨疑是宋時文書中語鄭注云若今劾矣劾亦漢法也

左九棘面三槐義棘之為木也其華白義行之發也其實赤事功之就也槐之為木也其華黃中德之暢也其實玄至道之復也案此義涉乎鑿



秋繩而芟之義夷而又生生而芟之也鄭氏謂含實曰繩蓋以繩為臚案鄭注含實曰繩釋文云繩音孕臚古孕字王氏夷而又生云云蓋不從鄭說

卷十六秋官三

以九儀辨諸侯之命義三公八命出封加一命則謂之上公案安石集乞改三經義誤字劄子云大行人三公八命出封加一命則謂之上公已上十四字今欲刪去永樂大典仍係未改本

詔王儀南鄉見諸侯義鄭氏謂土揖下手揖之案下原

本說不據鄭注土揖推手小下之也今改

附卷上考工記一

考工記案安石新義止解五官不及考工記其見於永樂大典者乃鄭宗顏綴緝字說以附於考工記故其解多係字義而經義則未之及

天有時地有氣義氣或又從米米食氣也夫米殘生傷性案此近道家之說蓋道家尚服氣辟穀故也不宜用以解經

人長八尺登下以為節義度土高深用仞人以度之刃

以志之考工記曰人長八尺登下以為節案此條解  
仞字而引考工記云云顯係字說原文初非考工記  
解

卷下考工記二

梓人為筍簞義祝木為之中空焉空聲之所生原本空

說文改

車人為車案王氏原無考工記解鄭宗顏不過摘取字  
說之及于考工者故車人以下多無解

